



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj:02-011- 547/'03
Sarajevo, 23.04.2003.god.**

ZAPISNIK

**6. sjednice Doma naroda Parlamentarne skupštine Bosne i Hercegovine,
održane 23. aprila 2003.godine**

Sjednica je počela sa radom u 11,05 sati.

Sjednicom je predsjedavao Velimir Jukić, predsjedavajući Doma naroda Parlamentarne skupštine Bosne i Hercegovine.

Na sjednici je bilo prisutno 15 delegata.

Osim delegata na sjednici Doma naroda prisustvovali su: predstavnici Vijeće ministara, predstavnici međunarodnih organizacija, pozvani gosti i predstavnici sredstava javnog informisanja.

Nakon diskusije u kojoj su učestvovali: Ilija Filipović, Hasan Čengić i Halid Genjac Dom naroda jednoglasno je usvojio sljedeći dopunjeni

D N E V N I R E D

1. Delegatski odgovori i delegatska pitanja
2. Usvajanje zapisnika 4. i 5. sjednice Doma naroda
3. Osnivanje privremene komisije za izradu izmjena i dopuna Poslovnika Doma naroda
4. Zahtjev za razmatranje Prijedloga zakona o izmjenama i dopunama Zakona o državljanstvu Bosne i Hercegovine po članu 100. Poslovnika Doma naroda – predlagač Vijeće ministara
5. Zahtjev za razmatranje Prijedloga zakona o izmjenama i dopunama Zakona o međunarodnom i međuentitetskom drumskom prijevozu po članu 100. Poslovnika Doma naroda – predlagač Vijeće ministara
6. Zahtjev za razmatranje Prijedloga zakona o izmjenama i dopunama Zakona o politici direktnih stranih ulaganja u Bosni i Hercegovini po članu 100. Poslovnika Doma naroda – predlagač Vijeće ministara
7. Zahtjev za razmatranje Prijedloga zakona o izmjenama i dopunama Zakona o slobodnim zonama u Bosni i Hercegovini po članu 100. Poslovnika Doma naroda – predlagač Vijeće ministara
8. Zahtjev za razmatranje Prijedloga Zakona o izmjenama i dopunama Zakona o Centralnoj banci BiH po članu 100. Poslovnika Doma naroda – predlagač Predsjedništvo BiH
9. Prijedlog zakona o Agenciji za rad i zapošljavanje BiH - predlagač Vijeće ministara BiH, drugo čitanje
10. Prijedlog zakona o izvršnom postupku pred sudom BiH - predlagač Vijeće ministara BiH, drugo čitanje,

11. Prijedlog zakona o ispitivanju, žigosanju i obilježavanju ručnog vatrenog oružja i municije – predlagač Vijeće ministara BiH, prvo čitanje
12. Prijedlog zakona o zaštiti zdravlja bilja - predlagač Vijeće ministara BiH, prvo čitanje
13. Prijedlog zakona o nadzoru kvaliteta određenih proizvoda pri uvozu i izvozu - predlagač Vijeće ministara BiH, prvo čitanje,
14. Prijedlog zakona o izmjenama i dopunama zakona o izbjeglicama iz BiH i raseljenim osobama u BiH - predlagač Vijeće ministara BiH, prvo čitanje
15. Ratifikacija protokola 13. Evropske konvencije o zaštiti ljudskih prava i osnovnih sloboda koji se odnosi na ukidanje smrtne kazne u svim okolnostima – predlagač Predsjedništvo BiH
16. Ratifikacija protokola 12. uz Konvenciju o zaštiti ljudskih prava i osnovnih sloboda – predlagač Predsjedništvo BiH
17. Step en ispunjavanja obaveza koje Bosne i Hercegovina ima prema Vijeću Evrope i drugim međunarodnim institucijama u 2003.godini - lista postprijemnih obveza BiH sa pregledom aktivnost
18. Verifikacija zaključaka s 1. plenarne sjednice Predstavničkog doma i Doma naroda Parlamentarne skupštine BiH održane 10. aprila 2003.godine.
19. Zaključak Ustavno-pravne komisije u vezi sa događanjima na Tržnici Arizona.

Ad-1: Odgovori na delegatska pitanja i delegatska pitanja

Odgovora na delegatska pitanja su dobili delegati: Osman Brka i Velimir Jukić

Delegati Osman Brka i Velimir Jukić nisu zadovoljni datim odgovorima te su ponovili svoja pitanja.

Izaslanik Osman Brka

" Da li je embargo za uvoz i promet oružja za bivše zemlje Jugoslavije ukinut od strane Savjeta bezbjednosti"

Takođe je ponovio pitanje jer nije dobio odgovor, povodom intervjua člana Predsjedništva BiH, Čovića u listu The Washington Times u kome je između ostalog navedeno:

- da u BiH postoji ogranak Al Kaide,
- da su Hrvatima, u entitetu sa muslimaskom većinom uskraćena radna mjesta u mnogim državnim ministarstvima,
- da su mnoge humanitarne agencije u BiH pokriće terorističkim skupinama koje finansiraju zemlje s Bliskog istoka uključujući Saudijsku Arabiju,

izaslanik je postavio sljedeća pitanja:

1. Na osnovu kojih dokaza Čović tvrdi da u BiH postoji ogranak Al Kaide.
2. Na koji način su većinski Muslimani (u BiH su narod Bošnjaci a ne Muslimani) uskratili radna mjesta Hrvatima u mnogim državnim institucijama.
3. Na osnovu čega je Čović izjavio kako su mnoge humanitarne organizacije pokriće terorističkih skupina, a posebno kako on zna da zemlje Bliskog istoka uključujući S. Arabiju finansiraju ove aktivnosti.
4. Da li je Predsjedništvo BiH raspravljalo o ovom pitanju, čiji je član Čović i da li su oko ovog zauzeli stavove?

Izaslanik Velimir Jukić

“Koliko je izdato dozvola za međunarodni prijevoz roba i kakav je način raspodjele tih dozvola?”

“Što Vijeće ministara i druge institucije Bosne i Hercegovine čine da riješe ovaj problem trajno, odnosno, hronični nedostatak pojedinih vrsta dozvola za međunarodni prijevoz?”

Izaslanik Tomislav Limov je postavio sljedeće pitanje Bariši Čolaku, ministru sigurnosti:

1. Kakva je (brojno i u postotcima) nacionalna struktura uposlenika u MUP-u Federacije BiH i MUP-u Republike Srpske?
2. Koje su nacionalnosti obnašatelji sljedećih dužnosti u MUP-u Federacije i MUP-u Republike Srpske:
 - ministar,
 - ravnatelj Upravne policije,
 - ravnatelj Upravne administracije,
 - ravnatelj Policijske akademije,
 - načelnik sektora Kriminalističke policije,
 - zapovjednik Postrojbe za posebne, odnosno specijalne namjene,
 - zapovjednik Postrojbe za zaštitu objekata i osoba,
 - načelnik, odnosno šef Kriminalističke tehnike,
 - načelnik odnosno šef Pravne službe i
 - načelnik, odnosno šef Službe materijalno-financijskih poslova?

Izaslanik Zoran Spasojević je postavio pitanje OHR-u odnosno visokom predstavniku.

“Kada će Srbi u Domu naroda Federacije Bosne i Hercegovine, s obzirom da su zaklinuti za određen broj delegata, dobiti onu kvotu koja im po zakonu i pripada?”

a takođe je ponovio pitanje na koje nije dobio odgovor

Zašto Fond Pio Federacije BiH na želi da dostavi obrasce M-4 za godine: 1985., 1986., 1987., 1988., 1990., 1991. za umrlog gosp. Kalajdžić Mladana koji je radio u školskom Centru usmjerenog obrazovanja – Upravna škola Zenica.

Ad-2: Zapisnik s 4. i 5. sjednice Doma naroda Parlamentarne skupštine Bosne i Hercegovine.

Diskusija nije vođena.

Dom naroda jednoglasno je usvojio Zapisnik sa 4. i 5. sjednice Doma naroda

Ad-3: Osnivanje privremene komisije za izradu izmjena i dopuna Poslovnika Doma naroda

U diskusiji su učestvovali: Goran Milojević, Mustafa Pamuk i Ante Spajić.

Dom naroda je jednoglasno imenovao članove za privremenu komisiju za izradu i dopunu Poslovnika Doma naroda. Za članove su imenovani: Boško Šiljegović, Vinko Radovanović, Halid Genjac, Hasan Čengić, Velimir Jukić i Ilija Filipović.

Ad-4: Zahtjev za razmatranje Prijedloga zakona o izmjenama i dopunama Zakona o državljanstvu Bosne i Hercegovine po članu 100. Poslovnika Doma naroda – predlagač Vijeće ministara

U diskusiji su učestvovali: Hilmo Neimarlija, Hasan Čengić, Ilija Filipović, Velimir Jukić, predstavnik Vijeće ministara Safet Halilović, Vinko Radovanović i Boško Šiljegović.

Dom naroda je jednoglasno usvojio Zakon o izmjenama i dopunama Zakona o državljanstvu Bosne i Hercegovine.

Ad-5: Zahtjev za razmatranje Prijedloga zakona o izmjenama i dopunama Zakona o međunarodnom i međuentitetskom drumskom prijevozu po članu 100. Poslovnika Doma naroda – predlagač Vijeće ministara

U diskusiji su učestvovali: predstavnik Vijeća ministara Haris Bašić i Hasan Čengić.

Dom naroda je jednoglasno usvojio Zakon o izmjenama i dopunama Zakona o međunarodnom i međuentitetskom drumskom prijevozu.

Ad-6: Zahtjev za razmatranje Prijedloga zakona o izmjenama i dopunama Zakona o politici direktnih stranih ulaganja u Bosni i Hercegovini po članu 100. Poslovnika Doma naroda – predlagač Vijeće ministara

U diskusiji su učestvovali: predstavnik Vijeća ministara Momir Tošić i Hasan Čengić
Dom naroda je jednoglasno usvojio Zakon o izmjenama i dopunama Zakona o politici direktnih stranih ulaganja u Bosni i Hercegovini.

Ad-7: Zahtjev za razmatranje Prijedloga zakona o izmjenama i dopunama Zakona o slobodnim zonama u Bosni i Hercegovini po članu 100. Poslovnika Doma naroda – predlagač Vijeće ministara

U diskusiji je učestvovao predstavnik Vijeća ministara Momir Tošić.
Dom naroda je jednoglasno usvojio Zakon o izmjenama i dopunama Zakona o slobodnim zonama u Bosni i Hercegovini.

Ad-8: Zahtjev za razmatranje Prijedloga Zakona o izmjenama i dopunama Zakona o Centralnoj banci BiH po članu 100. Poslovnika Doma naroda – predlagač Predsjedništvo BiH

U diskusiji su učestvovali: predstavnik predlagača Slobodan Radulj, guverner Centralne banke Piter Nikol i Hasan Čengić.
Dom naroda je jednoglasno usvojio Zakon o izmjenama i dopunama Zakona o Centralnoj banci BiH.

Ad-9: Prijedlog zakona o Agenciji za rad i zapošljavanje BiH - predlagač Vijeće ministara BiH, drugo čitanje

U diskusiji su učestvovali: Zoran Spasojević, Hasan Čengić, predstavnik Vijeća ministara Safet Halilović i Ilija Filipović.
Dom naroda je većinom glasova usvojio Zakon o agenciji za rad i zapošljavanje.
U zajedničku komisiju oba doma za postizanje sporazuma o istovjetnom tekstu Zakona o agenciji za rad i zapošljavanje iz Doma naroda imenovani su: Osman Brka, Ilija Filipović i Nade Radović.

Ad-10: Prijedlog zakona o izvršnom postupku pred sudom BiH - predlagač Vijeće ministara BiH, drugo čitanje

U diskusiji su učestvovali: Ilija Filipović i predstavnik Vijeća ministara Niko Grubešić.
Dom naroda je jednoglasno usvojio Zakon o izvršnom postupku pred sudom BiH.

Ad-11: Prijedlog zakona o ispitivanju, žigosanju i obilježavanju ručnog vatrenog oružja i municije – predlagač Vijeće ministara BiH, prvo čitanje

U diskusiji su učestvovali: predstavnik Vijeća ministara Zdenka Čečura, Ilija Filipović i Jadranko Tomić.
Dom naroda je u prvom i drugom čitanju jednoglasno usvojio Zakon o ispitivanju, žigosanju i obilježavanju ručnog vatrenog oružja i municije sa usvojenim sljedećim amandmanom:
U članu 6. stav 1. iza riječi "nadležni" dodati riječi "entitetski"

Ad-12: Prijedlog zakona o zaštiti zdravlja bilja - predlagač Vijeće ministara BiH, prvo čitanje

U diskusiji je učestvovao Ilija Filipović.
Dom naroda je u prvom i drugom čitanju jednoglasno usvojio Zakon o zaštiti zdravlja bilja. U zajedničku komisiju oba doma za postizanje sporazuma o istovjetnom tekstu Zakona o zaštiti zdravlja bilja iz Doma naroda imenovani su: Osman Brka, Ilija Filipović i Nade Radović.

Ad-13: Prijedlog zakona o nadzoru kvaliteta određenih proizvoda pri uvozu i izvozu - predlagač Vijeće ministara BiH, prvo čitanje

U diskusiji je učestvovao Ilija Filipović.

Dom naroda je u prvom i drugom čitanju jednoglasno usvojio Zakon o nadzoru kvaliteta određenih proizvoda pri uvozu i izvozu.

Ad-14: Prijedlog zakona o izmjenama i dopunama zakona o izbjeglicama iz BiH i raseljenim osobama u BiH - predlagač Vijeće ministara BiH, prvo čitanje

U diskusiji su učestvovali: Zoran Spasojević, Hasan Čengić, Mustafa Pamuk, Halid Genjac i Ilija Filipović.

Dom naroda je većinom glasova u prvom čitanju usvojio Zakon o izmjenama i dopunama zakona o izbjeglicama iz BiH i raseljenim osobama u BiH.

Ad-15: Ratifikacija protokola 13. Evropske konvencije o zaštiti ljudskih prava i osnovnih sloboda koji se odnosi na ukidanje smrtne kazne u svim okolnostima – predlagač Predsjedništvo BiH

U diskusiji su učestvovali: predstavnik predlagača Slobodan Radulj i Ilija Filipović.

Dom naroda je jednoglasno dao saglasnost za ratifikaciju protokola 13. Evropske konvencije o zaštiti ljudskih prava i osnovnih sloboda koji se odnosi na ukidanje smrtne kazne u svim okolnostima.

Ad-16: Ratifikacija protokola 12. uz Konvenciju o zaštiti ljudskih prava i osnovnih sloboda – predlagač Predsjedništvo BiH

U diskusiji je učestvovao Ilija Filipović.

Dom naroda je jednoglasno dao saglasnost za ratifikaciju protokola 12. uz Konvencije o zaštiti ljudskih prava i osnovnih sloboda.

Ad-17: Stepen ispunjavanja obaveza koje Bosne i Hercegovina ima prema Vijeću Evrope i drugim međunarodnim institucijama u 2003.godini - lista postprijemnih obaveza BiH sa pregledom aktivnost

U diskusiji su učestvovali: predstavnik Vijeća ministara Mladen Ivanić, Hasan Čengić, Halid Genjac, Zoran Spasojević, Osman Brka, Goran Milojević, Ilija Filipović i Boško Šiljegović.

Dom naroda je jednoglasno usvojio sljedeće zaključke:

- Podržavaju se dosadašnje aktivnosti Bosne i Hercegovine u cilju ispunjavanja obaveza prema Vijeću Evrope, ali se traži od nadležnih institucija ubrzavanje aktivnosti na ispunjavanju obaveza u zadatim rokovima. Ocjena je da je urađen značajan posao, ali je propušteno vrijeme da se uradi i znatno više.
- Neophodno je da nadležne institucije u cjelosti izvrše obaveze u skladu sa rokovima koji su navedeni u Listi obaveza koje je Bosna i Hercegovina prihvatila na osnovu prijema u punopravno članstvo Vijeća Evrope sa pregledom aktivnosti (materijal Ministarstva vanjskih poslova BiH, stanje: 07. 04. 2003.).
- Traži se od Vijeća ministara BiH da primjeni propisane mjere odgovornosti za neizvršavanje obaveza prema Vijeću Evrope i drugim međunarodnim institucijama, kako se ne bi smatralo da Bosna i Hercegovina opstruira izvršavanje obaveza.
- Komisija za vanjsku i trgovinsku politiku Doma naroda će svakih 60 dana organizovati sastanak sa institucijama nadležnim za praćenje i izvršavanje obaveza prema Vijeću Evrope i drugim međunarodnim institucijama radi koordiniranja aktivnosti.

- Apeluje se na Vijeće ministara BiH da u najkraćem mogućem roku, s obzirom da je zakonski rok već prošao, donese sve akte i izvrši sve aktivnosti potrebne za funkcionisanje Vijeća ministara BiH i njegovih ministarstava u punom kapacitetu.

Ad-18: Verifikacija zaključaka s 1. plenarne sjednice Predstavničkog doma i Doma naroda Parlamentarne skupštine BiH održane 10. aprila 2003.godine.

U diskusiji su učestvovali: Halid Genjac, Hasan Čengić, Zoran Spasojević, Hilmo Neimarlija, Boško Šiljegović i Nade Radović.

Dom naroda je većinom glasova verifikovao Zaključake sa 1. Plenarne sjednice Predstavničkog doma i Doma naroda Parlamentarne skupštine u istovjetnom tekstu kao i Predstavnički dom koji glase:

- Postoji potpuni politički konsenzus u Parlamentarnoj skupštini Bosne i Hercegovine da je članstvo Bosne i Hercegovine u Evropsku uniju najveći mogući prioritet.
- Oba doma Parlamentarne skupštine BiH zadužuju Vijeće ministara BiH da izradi operativne i strateške dokumente u saradnji sa Evropskom komisijom i drugim institucijama Evropske unije koji će voditi realizaciji cilja tj. punopravnom članstvu Bosne i Hercegovine u Evropskoj uniji do 2009. godine.
Ovi dokumenti treba da sadrže sve strukturalne reforme koje je potrebno provesti da bi Bosna i Hercegovina postala samoodrživa zemlja i da bi se izvršio prenos ovlasti sa međunarodne zajednice na domaće institucije.
- Strukturalne reforme treba da respektiraju unutrašnji karakter Bosne i Hercegovine kao složene, višenacionalne države u kojoj treba u potpunosti ostvariti i kolektivna i pojedinačna prava na čitavom prostoru Bosne i Hercegovine.
- Parlamentarna skupština Bosne i Hercegovine podržava aktivnosti Vijeće ministara BiH preduzete do sada u procesu stabilizacije i pridruživanja i preuzima obavezu da kroz svoja radna tijela osigura da se ti strateški dokumenti realiziraju i prate unutar Parlamenta.
- Od entiteta se očekuje da iskoriste svoja ustavna ovlaštenja i preuzmu odgovornost za pitanja koja su u njihovoj nadležnosti, a koja se izravno odnose na proces stabilizacije i pridruživanja Evropskoj uniji.
- Oba doma Parlamentarne skupštine Bosne i Hercegovine će redovno, svaka 3 mjeseca, razmatrati dinamiku i tok ostvarivanja ovih zaključaka na temelju izvještaja Vijeće ministara BiH.

Ad-19: Zaključak Ustavno-pravne komisije u vezi sa događanjima na Tržnici Arizona.

Diskusija nije vođena.

Dom naroda je jednoglasno usvojio prijedlog zaključka Ustavno-pravne komisije koji glasi: "Obavezuje se Vijeće ministara Bosne i Hercegovine da u skladu sa svojim ovlaštenjima što hitnije pribavi kompletnu informaciju o događanjima na Tržnici Arizona i da o tome izvjesti Dom naroda Parlamentarne skupštine Bosne i Hercegovine".

Sjednica je završena u 16,20 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Velimir Jukić